

白
號
字
若

錦
而
家
強
出

號
字
若

陳默齋公傳

蕪邑諸生陳壯國者字軼前號默齋余弟楷婦翁也
性豪邁有果斷鄉里不平事仗義決之無敢違純皇
帝臨位之十七年英斬間奸民蠱惑聚黨數萬人將
舉事公堂兄岸如密稟州牧李李旋屯兵青石嶺之
樂如菴斯時都人士避賊鋒者咸裹糧鼠竄公獨壺
漿簞食與岸如迎王師內奉公膳外謹疏虞決策猷
謀賊眾驚潰駸駸乎有國士風李大悅因以訪擒逆
黨任公公徧搜奸犯剖真偽活寃民無數其從逆者

雖親戚無回護時有僧寺黨逆公發伏至寺僧賂以
千金不受卒就擒李益奇之後李擢黃州知府公每
見則馳馬公堂葛衣布巾與談論是時李以堂堂太
守威鎮一方公不難以一諸生傲之議者方之劉眞
長杜少陵焉公以武畧博衿尤長於文學其詩文多
豪放之氣溢乎行間故諸姪之驥登仕路者公成玉
成之後因染目疾乃更娛情絲竹精效音聲雖老於
律呂者不之過也嗚呼公生六十年失耦者再喪子
者屢數奇不已坎軻特甚而其果敢之氣剛堅之節

有不隨異物腐散者故今鄉里間猶嘖嘖稱道不衰
云

原任江蘇溧陽縣知縣姻晚劉恩訓頓首拜撰

陳公深山先生五十壽序

桃花水泛凌波鴨綠悠悠柳色旗開弄日鶯黃裊裊
入東堂而會讌襖南欄以祓除天氣方新韶光甚媚
適當斯候乃大有人添厥海籌正至聖知命之日總
其鶴算值大夫服政之年不揣批糠敢先乘韋恭維
深山老年臺先生華山巨族潁水舊宗自我朝科目
聯登貴顯先世令大父統緒炳立佑啟後人繼以尊
翁好義維殷敦行不怠先生則善承其志賤子試類
舉以言當日趨庭幾回鯉對早歲失恃一旦桐枯繼

事慈幃孟荀芬芳入饌偕和同氣田荆連理敷榮確
遵韋賢之模授經課子曲體范毓之意視姪猶兒孟
光舉案以相莊文若繞膝而自侍極臻樂事宜稱初
衷乃若叵測者人情難知者事境忽造空中樓閣若
涉迷方化爲烏有先生如行明鏡張公之爲廷尉信
無冤焉周子之任外臺果有澤也自是益却俗累彌
重內行旦晚課築興滋培世業經營謀修葺光耀門
楣正直無阿羣畏知王烈然諾弗苟交推重於季牛
山中高宰相之名江表負人倫之望品詣卓甚意氣

豁如卽今歲年期輪固宜金臺算溢者也僕曩時下
榻喜挹芝眉此日登壇欣逢壽誕聊疏綺語用佐瓊
筵祝岡陵而會見南山景丰裁而仰瞻北斗三月三
日撫節物之惟佳一詠一觴樂少長之咸集是爲叙
新蔡舉人年家眷弟夏曾沿頓拜撰

先考祥菴府君行畧

府君敦孝友篤大義正直果斷人不敢干以私初戶
族公事一聽於端菴公公卒族眾以府君賢遂推繼
掌其事府君辛苦籌幹不避怨嫌敬宗收族一承先
志增置祀田數百畝歉歲平糶餘穀濟族內之貧人
又嘗倡同人普減穀價以便鄉里自奉則一歸儉約
雖晚歲不輕御裘帛也少善屬文年二十餘始以太
學應鄉試屢試不售乃專意訓子期奮跡科第爲那
家元性强記過目者終身不忘居嘗於延師督課之

餘必召不肖等侍立兩傍雜舉九經三史唐宋大家
之文嘉隆天崇之制藝爲之剖析蘊奧指示流源皆
心識而口述之不待尋之卷帙也後不肖兄等某
某入學食餼某成進士某選拔入成均府君猶時時
提撕不使稍懈卒之日顧謂不肖等曰勿以財利間
友愛勿以浮薄廢詩書蓋所以穀貽孫子如此

男良翼謹述

陳全菴公行狀

太學生全菴公諱存古字統承誠菴公三子公昆仲
六孝友性成壘篋迭奏伯仲之間怡怡如也洎與祥
菴公共嗣鵝峯公子職克敦因心篤慶公聞之望素
爲義門諸君子所推重焉公生丈夫君二和齋其一
時圃其次也和齋與時圃守公家範總以課督詩書
爲業時圃長君諱信準精舉子業夤官借色大志未
伸識者惜之至和齋次君諱信廣號平泉苦志稽學
制藝則槩撫唐宋書法則逼近鍾王以州府前矛人

泮旋冠科首餼膠庠膺薦公之後亦大矣哉而其
曾孫光烜勲之壻和齋家孫平泉之長子也性聰穎
過人文章亦自出機杼年二十四冠院軍補弟子員
論者謂桂林一枝崑山片玉可爲烜也擬公之蘭桂
流芳家聲丕振固不獨於已然者知之嗣是簪纓雀
起繼繼繩繩勲更爲公之德卜之益於公之後信之
也勲生也晚未獲親炙公之光儀而口傳耳熟竊低
徊留之不能去云

眷姻晚學生張邦勲頓首拜譔

伴松先生行誼錄

伴松先生諱效古字崇純綬之五從伯父少所從受
業者也先生幼穎敏受學於明經進士族兄懋績先
生有文譽應舉茂才者屢不售攜子姪輩課讀於家
塾二十餘年杜門不出絕意進取非惡此而逃之知
有命焉於是習神農扁鵲之術謂可以寓其智巧使
機應於心不挫于氣神完而守固濟物而利人其與
尋常術技者流意固超然遠矣先生秉氣中和溫良
有嶠骨盛暑不解衣酷寒不擁火應接之暇戴經而

鋤美可茹抱甕而灌時可度起居無滯惟適之安與
自屏寬閒以匿短者又不伴矣若鄉里睦族黨處事
公平妙於語言曲而多中人罕有能識之者至不誘
於勢利宗族推其尊焉故上浩諸祀田租稅聽其出
納人皆不疑其營私蓋有信及于平日非偶然也太
史公曰閭巷之人卽砥行立名者非附青雲之士惡
能聲稱藉藉哉先生行誼純固品節高潔淺見者或
以厄於遇少之不知士君子自立不苟性分之榮不
關通塞絃是以總先生梗概而敬錄之

受業姪良紱錦軒氏謹撰

伴松先生余友錦軒旣錄其行誼矣余乃復爲之贊
曰有隱君子先民是從旣和其外而介其中言病丹
青行挺圭璧恪奉典型嚴守繩尺少工舉業不遇於
時不爲良相當爲良醫如相十全爲上濟世爲心不
圖饋餉坦坦無私人皆信之季布一諾真不我欺歲
在甲乙身曾接膝氣溫而和貌樸而質談笑之閒心
切追攀先生之風流水高山

宗姪小坡廷揚謹撰

太和公傳

太學生太和公諱凱生而徇齊長而醇謹孺慕性成
厚德載物年五歲失怙越五年太夫人卽世公甫十
齡影隻形單熒熒子立岳翁蔡健若公爲之經理其
內兄漢卿先生亦復相依爲命起居飲食不肯朝夕
離多方提獲至於成人愴極悲痛恨不及讀書發各
成業以顯揚其天親乃席先人舊業粗衣非食淡泊
自甘雖家日益饒悉由樽節愛養所致非人世間一
切富俠大賈自殖而自肥者比故其家厚其德厚斯

無心而不厚也公之元配蔡孺人不數年卒生子一
後十數年而亦卒繼配王孺人生子二長良軫次良
翰俱入國學公年四十三告終方公之歿也二子尚
幼王孺人教育有方迄於成立其主持家政去華敬
樸革薄從忠一遵公成法宗族鄉黨均無間言

嘉慶庚午舉人族姪其殷拜撰

船山公傳

古人云莫爲之先雖美弗彰莫爲之後雖盛弗傳蓋
先後所關大矣然先後之際亦甚難矣余甲辰秋客
於幼壻斬春陳受謙家月餘竊見其行事無論公私
早作晏息毫無倦容而盃盤之狼藉概不暇計兄弟
叔姪怡怡焉彬彬焉猶有義門餘風余因憫其勞壻
曰此先父船山公素志也父昆季二年甫旬餘大父
同春公卽以家政委之故未遑舉子業叔父車泉公
更幼時積務頗繁遺貲亦薄父遵祖訓高下在心美

者汰之闕者彌之凡日用等項總以勤儉自矢而朝夕奉養期以快親心爲安不幸大父捐館附身附棺葬祭諸儀隨分自盡其餘家務照在時尤謹至扶危植弱排難解紛則又慷慨任事無人己有無之介十餘年間稍稍補濟較前積差增十倍矣逮叔父車泉公成立父遂託遊山水悉俾家政以明淡泊而車泉公亦能曲體其心協力相從遂得愈增所有因先後納入成均而延師課子終不少懈道光壬午年析爨父子五叔子一產業俱照兩房均分不自以多子爲

累閒有以心勞慰父者而父乃預絕其隙反使議之者無所藉口及屬纊時猶以敦友愛一公無私之教叮嚀不置迄今言猶在耳敢遽忘乎余聞之乃知其事之胞誠皆其心之固結者未始不嘆孝弟之貽澤長觀其後益信其前矣余雖不獲晤公之容尙幸聞公之志樂公之後裔得與有成而喜爲人子道也於是乎書

州增生姻愚弟劉之甲拜撰

正菴公傳

正菴陳公吉先大父泡泉公之外舅也吉昔時侍先
大母適外氏謁平齋心田諸中表伯父見其雍容和
豫孝友純篤已心儀家法之有自也既而閱陳氏家
乘讀錦軒先生所製正菴公傳贊述公篤行深中之
概重仁義之風真可以訂頑式靡作範來茲益信從
前揣測之私爲不謬矣謹按公諱法兌字順天代爲
蘄陽右族厥考上庠生斯達公之三子也生三歲而
孤太母裴夫人勤儉自樹立不爲細家迫速計先世

逋秀彙昇焚如曰無以校利損諸子智也而公亦祇承慈訓同氣克諧砥礪行名無失中年經紀家事循循如不勝衣人不見其大作爲而充盈裕大日進不已族黨親戚之不自給者能隨事爲義其他善行至今里閭父老猶稱道之蓋俯仰五十年間曾無遺行矣公天性和易族里無賢不肖咸樂親焉或以佩弦進曰吾豈不知出此顧所見叫呼號呶自取憤辱者衆吾誠迂緩不侮物蓋老彌篤焉而物亦莫能侮者嗚呼其可謂長者矣淑醜龔孺人吉族處士某公之

女年二十歸正菴公逮事孀姑色養無違明太傅教鬼之旨作伯鸞內助之賢一門穆行七族風清惟孺人與有力焉子四人長道古次連古太學生次遐古有文名次邁古女一爲吉大母諸孫九人長良輔州庠生三良愷介特自喜力學能文章然終身不概於有司士論惜之餘多嘒噪有志節曾元輩近五十人皆錚錚自守以耕讀世其家嗚呼公之懿行吉固聞知之至家法所遺留與諸父昆之克紹前型者實見而知之就所見證所聞則公潛德幽光或食報尙不

止於是耶

光緒丁丑冬十月

外曾孫州庠生龔晉吉謹撰

車泉公傳

蕪州距吾州一衣帶水其陳氏之稱爲蕪春莊者又與吾同出義門戶族甚繁科名甚盛道光壬午庚子與吾兄弟同舉於鄉者有五人焉地近而誼親故其族中士行往往得於傳誦之餘若車泉先生其尤著者也先生生有至性事父同春公母駱太孺人得其懽心友于昆弟數十載無間言好施予又得德醜汪孺人同心黽勉終其身約己以濟人凡戚族中有不能自存者給以資使貿易而不責其償又不欲居德

名遇極貧人糶於家陽爰值而陰納諸橐中嘗歲禮
藉興土木俾饑民自食其力復以所得傭錢養其父
母妻子余嘗覽古之循吏每值水旱之災或修城郭
或治陂池而我國家視民如傷亦時有以工代賑之
事若先生者真能體朝廷惠鮮懷保之意以煦與斯
人者乎使其身登仕板必有異乎今之爲史者而惜
其倖獲爲善於鄉也生平言笑不苟亦無疾言遽色
遇桀驁不馴之徒與之三數言莫不心折而去嘗訓
子孫曰人有不及可情恕非意相干可以理遣晉樂

廣之言處己待人之良箴也故公卒後有思其教而
傷感者有思其惠而慟哭者蓋愈久而愈不忘焉幼
習舉子業以病中廢而經傳之微言詩文之雋語至
老尙能舉之延名師課子弟嚴立規程寒暑弗輟昔
吾先世太邱公仁而愛人化行有謚子孫蔚起流譽
漢京先生其有太邱公之風乎吾卜其後之寢大矣
謹爲之傳附家乘俾後之紀德行者有所考云
賜進士出身戶科掌印給事中前翰林院編修京畿
道監察御史巡視西城北城京察一等加三級

興國宗弟光亨拜撰

車泉公遺事數條

公待人恕里某有隱事或欲發之公曰彼固猶知廉恥也發之是使彼喪其廉恥汝過不浮於彼乎乃已其人聞之感且泣詣公吐實以改行自矢卒爲善士公嗜讀書不喜爲人言事獲弗已往往授意於所親信者使代調停有託公意爲人釋一事其人甚感荷他日遇公於姻家特稱謝公實未嘗聞之也蓋誠德久孚於衆故不言事而屢有排解各里中將構大獄

而兩造皆與公善公使人招之俱至談笑竟日兩人亦懽浹如平時獄竟解有佃素馴謹或勸爲商貸公千金往已獲重利塗遇盜盡喪其貲歸向公泣公笑曰若豈能償耶可勿復言歲荒穀貴公減價以糶又恐後至不給遂爲籍記當糶者姓名量其家日食幾何爲之限制逐日付之少或數升多或數斗無一日準糶一石者里中得粟大均極貧者反其金公與客飲未嘗辭酌而每巡但酌少許雖客量豪共酌數十巡而公亦未嘗微醉祚芳未解語時公輒抱於屏風

前告以屏風字久之耳熟問所告者漸能以指而對焉稍長製小方版千二百片悉書字令以賭識字爲戲及甫能句讀輒背負而口授之汪公裕尊先生乾隆某科舉人任漢陽儒學教諭諱泉遙公之猶子祚芳其彌甥也家貧砥節公甚重之留居家中雖度歲不聽歸十數年禮貌弗衰令祚芳從受句讀公患刊本字畫不明屬汪公手寫四書七經并章句集註本義集傳集說悉端楷焉咸豐七年燬於兵惜哉公延文采臣先生教于公塾祚芳與焉因受業者衆又延

金山先生助教之祚芳往來二塾間若朝如嬰齊而夕如側焉而公待兩先生禮隆兩先生俱未嘗介意也公善多陰行雖子姪無有知者及遠近聞訃莫不登堂痛哭多有自陳巔末以爲受恩不少文采臣先生有輓聯云善世有心記經年面接常譚若樹馥烈醕醪酒近名無意當此日星沈德曜競出枌榆墮泪碑蓋紀實也公有遺囑自藏漆篋中緘封甚固卒後三月始揀得之蓋壬寅正月朔手筆也條舉至八千餘言述幼時所聞師訓庭訓並古人格言切於治身

治家者洪纖無不畢具

孫祚芳謹述

誥封通奉大夫陳公式菴傳田太夫人附

公諱學訓字士哲號式菴予友錦軒嚴君也錦軒於嘉慶戊辰補博士弟子員予自齊安與之交因而昭公接其言論丰采慨然有慕乎其爲人厥後館於其家錦軒之諸弟及子若姪俱受業於余朝夕與公處習見其治家應事待人較古之豁達大度號稱長者殆有過之無不及焉公之尊人質軒公嚴毅剛方不輕笑言公左右就養婉容愉色無事不得其歡心質軒公秉性嫉邪於事稍有不順人稍有不可輒面斥

無稍寬假公恒以溫語解之使其人慙且服而去公鮮同胞有同堂弟六人凡遇公事咸以公論爲平允遵之無異議公課讀極有條理而隆重師傅敬恭備至凡館中須用之物欲辦之事無不先時備之予繼小坡先生後館於其家十餘年皆始終如一故其子若孫相繼蜚聲庠序皆公造就之力也公待鄰里極厚於貧乏尤敦任恤之誼凡饑不能舉火及女不能嫁男不能娶死不能葬埋者公解囊助之且盡力爲之經紀嘗路遇兩人以賬目故洶洶盟神公捐十數

金以寢其事每當歲歉穀價騰踴必戒其子祇照常價無昂其值予近地某告糴於公公爲之分外減價且多與飲食以療饑其人至今猶稱道弗衰公之近居多雜姓常不免非意相干公但以事理曉譬予以可轉之途從未有厲聲疾言以處之者其爲人長厚類如此公之德配田夫人母儀婦道嫻自天性年十六歸公事翁姑以孝聞躬親操作豐儉適宜家聲亦自是霍霍起而御下以禮門內雍肅僕婢輩未有敢於縱弛者式菴公重結納廣交遊多賓客淑人寡治

式菴公重結納廣交遊多賓客淑人寡治

酒漿備極欸洽而遇積道德能文章之士尤敬禮無少懈至敦族恤鄰公意方起夫人贊成之卽公意未起夫人先有以啟沃之公之以寬厚長者聞抑亦夫人之助也公有丈夫子七長君展書英敏練達有幹濟之才早歲棄童子試入成均今已下世次則錦軒卽予友也天姿卓犖千言可立就以數奇久困諸生三佑之下世四印環五縉書七漢書皆列成均其六麗生以府首入泮四人皆從予遊而麗生又與予連姻共孫二十有三長孟湘亦列成均受業與予者計

十人夢京早歲泮遊屢膺薦人咸以大器目之其名信璣者余壻也曾孫二十五人長次皆已入泮玄孫五人夫人卒時長玄孫已能拜跪盛德有後如公與夫人者洵足當之矣公與予世爲通家戊申秋信璣以兩戶合修宗譜來言於余余義不容辭因卽素所見知者論著之

道光己亥恩科舉人揀選知縣

梅邑姻晚李濬源拜撰

陳沃山公六十壽序

壽域宏開頻來華封之祝庚星長燦咸廣商嶺之高
庭瓊玉樹塔砌芝蘭屬製序文難悉巖末翁有自述
行狀弟得謹勒其詞狀曰天道有不息之運人生無
再造之年感歲序之流遷歎韶光之荏苒旋過五旬
今已六秩若耳順而化自古推爲聖人而指使杖鄉
於今亦曰耆老時維四月序屬夏初荷錢絳而麥浪
黃柳風煖而楊花雪撫清和之佳景染翰墨於誕辰
少不安於小成留心經史將以求所大欲苦志寒窓

由春及冬三餘不懈自朝而夕再食不遑幾番小試
不得幸晉於黌門三代純儒未聞題名於雁塔爲學
一十三載虛度二十二年數則過矣何堪遲之又遲
時復來乎忍令誤而再誤遵嚴命而主持家政殫我
勞而經理田園祇期守分安命無何運蹇時乖方乙
丑辟臘之候正丙寅應律之年春夏折我椿萱冬秋
亡我子媳四時類遭慘變一年疊遇悲哀迨二男續
絃頹臻樂事四孫繞膝稍慰初衷然而癸酉妻別中
饋少內助之人終爲一室無主亡卯子鯨貽孫鮮鞠

育之母仁看兩嬰何恃苦竭大半生力辛勤數十年
中幸天錫以年齡俾予得遇花甲人舉介眉之爵我
述垂訓之聯兄弟睦妯娌和可滿吾願父子親夫婦
順乃慰我心此先考所指示爲後代之儀型聆茲庭
訓足宜室而宜家考厥初終在立志而立業居家須
務節儉持身要主讀耕勿甘暴棄而貪惰游勿尙奢
後而無忌憚成身基於篤實債事兆於輕浮行果由
乎義路明而動分晦而休事若涉於迷途改其柯以
易其葉秉智燈以照迷津自可游而可泳持慧刀以

除茅塞卽是路而是門今予衰老惟深無行不語之
叮嚀冀爾後生勿忘皓首蒼顏之誥誠此翁之狀也
雖曰行狀實屬格言追過此之舊章源源本本昭厥
修於來許切切諄諄詩詠南山台而北山萊興樂只
而賦黃髮禮云孝於親而慈於幼徵壽考以許期頤
因謝文才無煩三多五福之頌用續片語以佐一歌
再詠之觴紀狀於右方寫翁之雅意

甲寅科舉人原任谷城縣教諭

年家眷弟蔡道中敬述

雲帆先生暨汪孺人合傳

陳親翁先生諱良楫字巨材雲帆其號少失怙遵兄
訓奮志芸窗苦不售忿而應試走馬蘭皋輒獲售爲
諸生益肆力於詩古文及書法各擅長而字尤精妙
且曉音律嘗語人曰度曲豈所急需吾性直將以導
吾之和也善飲酒酒酣歌聲出金石引商刻羽其音
清以幽否則短詠長吟或揮毫染翰興盡乃止爲人
慷慨公平少阿曲故鄉里不平事遇先生輒解其家
規整飭風度端嚴子姪輩嘗畏憚而不敢爲惡恐先

生知余以乾隆甲午科鄉舉拜謁一見而知先生之非凡品也惜天不假年三十有七歲而卒德配汪孺人恭儉溫柔無忤色無慢容閨內外之間秩如也方孺人之來歸也不逮事翁逮事姑敬愛倍至同爲妯娒者凡四類能恪共婦職而孺人之和氣婉容出乎天性以故深得太夫人歡心先生有子四卒之日長九齡次七齡次五齡稚子尙在襁褓孺人撫摩鞠育飲食言語各有法度使之習慣成自然長乃延師家塾囑令毋違教晚歸家孺人必親爲課讀罷備述

雲帆公舊德且申之以存心宜忠厚處世宜和平責己宜謹嚴居家宜儉樸庶無頹爾父家聲余友熊廣文嘗館於其家每過予輒爲之稱道弗置也厥後余以王事鞅掌者有年余姪與先生之三子聯姻蓋先生之次孫卽余之姪孫壻也嘉慶己巳年驚聞汪孺人謝世余一官袍繫未及親奠情殊歉然道光壬午春孫壻祖授以家乘告成乞余立傳以付梓余思雲帆先生之亮節高風與孺人之閨儀母範非余筆墨之所能罄謹就夙昔語所親炙及耳熟者著於篇亦

足以垂示子孫而昭其梗概云

知廣西省思恩縣事陞任賓州知州

姻愚弟梅邑胡攀龍頓首拜撰

誨菴公八十壽序

丁丑之秋新北上旋里過同年文階家把袂聯牀追
 遊道舊適修家乘文階之房叔祖號誨菴八十老人
 也囑新爲序新忝同宗雖不交有所不辭溯公自田
 間來忠厚居心澹定成性守分安命豪不與外忤族
 之人有長者稱方其少時持儉用勤家風自守朝耕
 暮讀作息如常殊歲月如流頻移礪影行年五十尚
 無熊夢之占縱欲接木移花終難稱爲跨籬公蓋躋
 階俟望者人之嗣後賦小星思助筮龜斯有幸舉丈

夫子二馮殆所謂門衰祚薄必待晚有兒媳者由是
以日以年家餘高廩生孫生子喜溢門闈陶隙間經
今八十有五矣文潞公官居極品而同庚而生者曾
邀陪席之歡誨菴公壽踰八旬而比絳縣人者頻增
一紀之算衍箕疇而名先五福聽華祝而慶有三多
新受辛鮮妙算亥猶能閭里間如公之福並公之壽
者蓋亦寡矣是爲序

爰歌以祝曰

公若蘄春莊公壽亦孔長爲公而歌山阜兮岡陵之

頌語太張爲公而咏日月兮升恒之禱亦近唐爲公
而賡松竹兮茂苞之說差可當公之身兮壽而康公
之後兮熾而昌指吾困盈吾翁宜子宜孫偕耆老以
徜徉

乙亥科舉人宗再晚生煥新敬撰

時展公傳

公諱晟予里中稱善人也公生有至性事考悃公妣梅孺人以考聞昆季四公序居三友于敦篤少好讀書每遇名儒輒握手相勉長膽識過人克興祖業嘗慨然曰經史不覽大義安明本根不深枝葉豈茂以斯言味之有裨名教倫紀矣及其勤儉持家廣留田舍非僅爲子孫計也餘積樂施疾貧獲濟放戚義之贈有紫照雲囊匾以視世之富不仁者相阻詎不遠耶美哉盛德厥後熾昌生子五斯起斯璿斯瑜斯瑾

斯則教以耕讀子折箸時命常安本分永守舊業分關內詳誌親見十餘孫享壽七十有七歿之日衆聚哭於寢謂吾鄉之恂謹敦樸好行其德生平無纖毫可議者洵莫如公夫浮名虛譽當時則榮歿則已焉而公之行詣去今雖二百餘歲猶思之難忘公後人丁蕃衍詎非由公全其天而厚其積哉時值合宗修譜裔孫慎言世平秉衡暨煜榮玉成圭玉煥珍興春等備述巔末徵傳於余俾垂不朽余嘉其念篤本源也是爲傳

房姓曾孫庠生世祥敬撰

端亭公傳

伯祖端亭公少倜儻多智畧內行動修惟孝友以敦
 崇其家政故雖抱經世之才而不強希世用以改其
 樂天之素公父敬齋公性純靜讀書忘倦一切家務
 事不介意惟公委任焉公伯仲二長柏軒公承益舟
 公與節孝劉太夫人後益舟公既歿柏軒公養疾於
 屋之西偏雙柏園事無大小亦惟公是賴公日事
 事母事孀母事兄以其餘暇理家資終日劬勞不告
 瘁乾隆丙辰年敬齋公捐館越八年癸亥柏軒公即

世遺孤二長昌崖甫十齡次載菴纔週歲公於是事
太君何母事孀母如己母事嫂如兄撫孤如子宗族
鄉黨均無間言又善居家多蓄積迨年老倦勤始命
昌崖析箸其財產雖數倍於舊而秋毫無所私迄於
今柏軒公之子若孫享公之澤猶戴公之德於不衰
公以乾隆辛巳年八月十六日寅時告終年五十有
一公生子二長孚齋次立菴分承弓冶克紹箕裘其
於昌崖二公同堂兄弟也友愛幾過於同胞悉如公
在日至於施棺具以利埋葬建橋路以利往來則又

廣公之餘恩而推暨靡涯者也道光壬午春家乘告
成其孫錫璜等恐後世子孫忘公典型囑曾立傳繼
以贊詞

贊曰

才畀過人英雄大抵如是遜世不悔君子亦類能然
惟孝友於兄弟而天倫克全非夫人所當自盡而不
能曲盡者與伯祖端亭抑亦可以無愧矣

姪孫繼曾敬撰

已嶄然見頭角先生與德醜王孺人同享壽八十有八

丙午科舉人候選知縣

春媼晚生軍籍陳錦文頓首拜撰

陳攸齋先生墓誌

士有遇而終未遇者亦有不幸而又有幸焉者蔽於明經陳公攸齋先生見之矣公髫齡對鸚鵡人呼小友頌太山世訝神童年二十餘見周程朱張書嘆曰此道學真傳也遂盡焚少時所作詩賦專心性理以六經爲根柢以四書爲闡奧以宋儒爲門牆是以言必忠信動則禮儀人以爲白沙先生復出觀其樂育子弟邁方成圭邁圓成璧居然榭楠和梓植於一林球琳琅玕產於同圃也然不讀其文猶未知其淵源

未有艾公享壽八十有八不幸而幸又如此憶昔郭令公入十餘每日子孫問安者不能辨但頭之而已公得毋似諸夫五福壽爲首公增令公三年且子孫林立又安知冥冥中非厚聚其英華以爲子若孫一洩其精氣也哉是知遇而不遇者數之奇也不幸而幸者德之應也然則不遇不足爲公悲而幸者不必爲公喜何也積而必發天之道也於是乎誌以見黻言之足徵

賜進士出身原吏部主事年家眷弟翼傳黻拜撰

陳猷菴公暨范孺人合傳

姊丈郡庠生陳公諱邦勳字克讓號猷菴端菴公孫靜軒公少子也性孝友五歲失恃靜軒先生劇爲愛憐公不以懈敬養迨姊于歸溫惠淑慎亦得太翁歡心歲壬辰承嚴命析箸公兄勣齋公與公合爨不數年兄嫂繼逝公哭之慟曰何吾兄之精於不獲享高年而更增伯道之慘耶姊曰無過哀幸遺腹在似盍忍泣俟之公乃日禱於庭冀得生子以慰兄嫂於九原越數月姨夫人尹氏生子申信公與姊悲喜交集

撫若己出稍長延師課讀厚束修隆禮貌俾與諸子
就家塾不令少有縱逸方齋公揭館舍時婦夫人
尹氏年甫二十餘矢志捐舟足不踰閭姊朝夕與偕
倍深體恤同居二十餘載和穆肅雍室以內秩如也
公平生凝重寡言笑遇人不軌輒義形於色而於貧
乏輩則樂爲周之弗望報姊亦善相公志不吝惜於
鄰里稱貸聞乾隆乙巳歲大歉佃戶某家十數人饑
餓就斃公惻然遞給佃穀百餘石歲稔不責償佃家
得以安集者徵公無以至今日而公殊不以爲功嗟

呼豈非所謂好行其德者耶豈非所謂旣已有亡死
生矣而不矜其能羞伐其德者耶余豈豈孤立外冗
紛乘公時維排解多仗匡扶力雖同胞不過是也生
子五公與姊謝世時半髻稚余固爲文以祭之茲更
爲立傳示錫等不忘云

己酉科舉人揀選知縣現任均州學正

如弟范位盤頓首拜撰

陳公毅亭先生傳

辛巳歲中自谷城學署旋里過陳氏白鶴莊適諸君子纂修宗譜姪婿攀輪為其祖毅亭先生索傳中忝屬姻誼安敢以不文辭謹以夙所得之傳聞者筆於篇先生諱良儼字思容鏗亭公次子也幼而沉毅寡言笑太翁恆鍾愛之年弱冠授明經太翁即委以家政先生遂慨然引為己任經營擘畫續置膏腴析著時溥載井井囊無私儲即乃祖崇競諸公之為家長不是過也生平有膽識遇事輒明決果斷無辜委曲

故鄉黨就質者戶外之屨常滿焉家素封無富貴氣尤輕財好施凡隣里貧乏者樂賙之先生之高義詎可殫述哉德配王孺人幽閒貞靜嘖笑不苟內庭之間先生所不暇及者孺人咸佐理之丈夫子三長諱孚信次諱惇信皆入成均三諱金信冢孫攀桂列費序其諸孫之森森玉立者無不英偉特達焉中竊歎孺人之賢之不可及者蓋以想見毅亭先生之履潔行芳固宜其克昌厥後也夫
甲寅科舉人原任穀城縣教諭

年家眷嫺晚生蔡道中敬述

鶴亭公行狀

道光元年十月之望鶴亭公之曾孫占龍請述公行狀列於譜曾生也晚未獲親公暨歿又不敏烏足以紀公之生平而綜其行事抑曾嘗聞之先大父曰余弟兄之孝友性成就有如鶴亭者哉鶴亭生襁褓中節孝張太君撫爲己子承嶽雲公後生而岐嶷長而敦敏動作有法笑言不苟恒惴惴焉恐不克自樹立以頹其家聲侍太君愉色婉容志敬節具晨昏定省靡不竭力雖恣蚊吳猛扇枕蕙香未遑多讓非天性

之腕而且擊者與更善事生父鏗亭公視兩弟怡怡然不以貨財疏骨肉有古薛包風書云惟孝友干兄弟小子識之可奉以為楷曾用是敬佩勿忘又聞試公為人風度端凝亦復溫文爾雅善書法能文章小固屢拔前茅而未售眾論惜之偶武試輒獲雋公愀然不樂也後晉職衛守府公侍張太君事畢走京師徧與名公鉅卿遊既倦售古今名字法帖載以歸蓋肆力於飛白體波折筆得其神故沒世猶以字學顯

姪孫繼曾謹狀

陳公哀菴先生行狀

吾友陳哀菴公既歿之五年秋其仲子信溥赴鄂鄉試與余子厚錡閒叙修宗譜盡然追晞前德而思所以傳之之由廼書狀達大冶學署示余余性拙質而不文然樂道天下之善以傳焉况若吾哀菴者又有生平之舊朋友之交其懿行善狀皆宜見於余文宜其來請於余也余初不識公乾隆甲午公以郡庠隨從兄韞山先生赴棘闈余與同寓因過從甚密得悉末焉公少失怙恃祖母殷尺摩而寸荆之形影莫

樊不可具狀至成人勇於自立先人之基業維公恢
宏之世德之門閥維公光大之年二十二理家政有
籌幹飲食服御不事繁華故家中貲幾少有然而
見賓承祭則不敢以簡褻廢禮其接物也操行耿介
修身範物尺寸不踰有古君子風至有道德能文章
之士則恭敬而尊禮之是能酌豐儉慎交遊而衡以
大義者性好讀書受業於韞山先生當是時韞山以
積學通經教授生徒一時從遊者類皆知名士而文
壇之會詩社之盟公咸與焉知公之學問文章固表

表一時者夫產不必厚謹慎所以居家各不必高詩
書所以保世彼世之稱公者謂好學力行克自樹立
宜享其隆乃艱於進步用弗克究每爲公惜又惡知
公之所表見實足以傳世行後而無疑也哉公正直
公平急於公事故鑿滢池以通水道立賓館以興賢
能公勤共事費不給每罄囊勿惜是徵其州之俊若
秀捷於進取以無艱於資斧也宅之偏宮環半畝公
以時延名師督諸子各其館曰書田額其堂曰督課
堂而爲之銘是欲其子若孫勤於敷菑以無懈於筆

耨也故公子五人列庠序食廩餼拔前茅孫曾暉嶸
 角立方興未艾何莫非公之所庇蔭者乎願吾閭之
 門第高者一事墜先緒則無以異他人是以修己不
 得不至公卒之日執諸子手曰和睦兄弟無廢詩書
 吾無他望其意不有在乎蓋燕翼貽謀基由先哲顯
 親錫類責在後人更期淵子等統承先志率諸弟及
 子姪輩各耘爾田各服爾耕務使聯鑣奮發有以食
 先世文章之報而顯揚公德於無疆此公平生之所
 願而余之所祝也謹狀

黃岡縣舉人任大治縣教諭

年家眷世弟靖本頌頓首拜撰

二兄方齋先生傳

兄諱良朋字四來號方齋少讀書明大義不規規於財利狀貌魁梧知畧過人遇車洞見原委人不訾欺有祖若父風其爲文銘心刻骨獨出機杼見解出尋常數倍無一落人牙後語而筆力沈雄復是以達之二伯父岸如公嘗謂家聲可賴以不墜者在此年三十始入泮旋食廩餼壬午秋闈膺房薦以額滿且遺乙酉下第中丞李因培於落卷中搜得之大加稱賞卽提入江漢書院肄業時家中多故其有本生祖房

及嗣祖房事無鉅細兄不辭勞瘁俱以一身肩任之然仍未嘗廢書也迨所志未遂而三兄以進士選入都並得缺赴閩兄俱與偕所有署中諸務皆決於兄其始在福安也辦理案牘尙有餘閒繼至福清以前任虧項二萬餘兩兄與三兄日夜焦思且邑極難治不審將來利害奚似幸年穀豐稔民情斂戢數年閒事皆就理忽聞督又調三兄過臺兄不忍離雖涉海濤之險不計也乃至抵諸羅任前叅縣所虧十二倍於福清且械鬪案尙未息兄與三兄竭力商辦精

神告憊歲餘兄竟以懼悼病症終於暑中
年五十七嗚呼兄之赴京入閩也其長子信然已受室矣而次子廷揚方七歲三子定甲在襁褓之中兄以愛弟故捨去雖中閒一再歸家然不久即往常渡海之在例得出貢兄亦甘讓之他人及凶問到家信然即奔往海外扶杖觀旋里所遺僅舊箱帕隻履衣幾件而已嗚呼人情見利忘義待至親如行路遇害則去之惟恐或晚倘一有利則多方設計以鈎取之弱者求强者奪思自飽其谿壑之欲絕不顧夫天理民彝之所

在此與盜賊何異而且詡詡然自以為得計聞二兄之風亦可以少愧矣兄生平為文不多今所存者寥寥然皆余等所不及其才力宏達任事不疑求之家中實罕其匹而獨念弟昆生死不避至別妻子棄功名十餘年並不為一己囊橐起見於以上繼我祖若考之志而無所愧者余尤不能不慨然想慕其為人也乃竟客死海外嗚呼痛哉然余竊有幸焉向使二兄樞遲之一二年未歸則臺灣^變起玉石俱焚余不知其究竟何若而穩渡歸窻此又吾二兄之福也夫

亦即吾家之福也是爲傳

胞弟良珏謹撰

恭祝大邑侯卦峯陳老父臺四十榮慶

乙未孟夏之五日爲我邑侯卦峯陳公四十懸張之
旦邑士民僉謀製錦以祝而屬操觚於余余曰此非
侯意也侯自蒞任福安愛民潔已凡遇誕辰未嘗一
受賀謁今爲之恐侯不欲奈何僉曰是不可以已也
古人於其所親愛間無恙勸加餐至侈言之曰無疆
無期又曰萬有千歲况夫一邑得賢令沐其德政安
可無一言以祝侯雖不欲於義固不可以已也余不
敢辭按行實侯湖北之蘄陽人世爲各族太封君祥

菴公有隱德不仕兩兄皆其邑諸生其季乙酉選拔
侯弱冠成進士聲名籍甚出宰斯邑侯之初筮仕也
太夫人何氏在堂謂之曰爾其無忘乃父教汝之心
無負平日讀書之志故其蒞官未三載訟簡而刑清
衰扶而弊剔催科不擾而課裕士風丕變而俗革建
學宮舉廢墮凡所施爲務持大體而功利皆能及人
宜俗於侯之來有何暮之謠也侯公餘手不釋卷教
諸生爲文藝皆有法度前年爲福建鄉試分校暗中
摸索各下士士論翕然余謂侯之文學皆足以施政

事經術皆足以資吏治究其施爲將不知其所至也
然則銅章墨綬不足爲侯榮公堂放鶴不足以爲侯
樂惟文章政蹟卓然可傳以不朽者則足以爲侯壽
而並爲太夫人榮也昔謝安四十尙卧東山孟浩然
四十始遊京師而侯以強仕之年文章政績已如此
方將膺魯恭卓茂殊褒如漢故事以循吏入爲公卿
究其治跡發聞之處自韓陽始余雖老矣倘得幅巾
藜杖從邑之父老遊將以觀侯之德政爲援筆而賦
之未已也

東天宗譜 卷之三 丙戌 五月 卷之三 丙戌 五月

鄉進士文林郎內閣中書加一級前刑部浙江清史
司觀政治年家眷弟陳 椿頓首拜撰

四月維夏上浣五日爲

卦峯老父臺年老先生五旬雙慶

雅挹芳徽襲芝蘭之馥郁素叨樾蔭喜桃李之栽培
山高之仰止彌殷海屋之添籌莫既爰偕同志共晉
巴詞

嶽降嵩生定靡常黃世楷

地靈人傑恰相當黃元煌

磅礴鬱氣積脉長黃元煥

英賢間出應運昌門生林才

會開三楚古荆襄蔡長龍

陸地行仙時徜徉薛觀海

東天宗譜 卷之三 丙戌 五月 卷之三 丙戌 五月 德星堂

黃鶴天際飛翔翔林正健

樓高百尺凌穹蒼陳玉成

勢吞雲夢與瀟湘馮起龍

中有氏族世所望吳光太

三堯舊澤昔傳芳吳沛然

德星環聚閃光芒林廷選

一門濟美重發祥林玉京

難弟難兄媳二方高萬春

竒姿特達擬圭璋林國楨

後先輝映互頡頏吳本國

騏驥驂騑騁康莊薛韻恭

渥駟千里獨騰駘魏廷芬

傳家世業富縹緲劉起元

滿架牙籤詩滿囊葉有潤

金聲擲地韻鏗鏘馮化龍

揮豪落紙神鬼忙蔡發智

天孫雲錦煥為章翁執瑤

豎儒咋舌走何翁杰

文壇樹幟孰爭強吳化龍

瀛洲高步快名揚馬淮

出幸方隅離故鄉吳赫薰

四溢循聲邁龔黃林夢焯

棘園分閫竭心腸吳飛龍

鐵網珊瑚玉尺量魏肇清

卽今鐸振玉融疆蔡萬安

士類歡騰仰激昂余光槐

下車伊始諸未遑許然臨

首嚴考校入膠庠林家璠

手分甲乙費評詳林安國

明德馨香繞絳堂何運澄

後生小子附門牆吳淳然

均沾教澤問津梁林魁春

風灑雨晦夜連床吳香波

焚膏繼晷借餘光王廷杰

時逢初夏月正陽魏炳

麥天槐日午陰涼何恆桂

壽筵肆設晉霞觴余道源

龍鬻麟脯及雞肪陳其善

盈庭珠履列兩行葉傳英

門下三千客躋踏王肇昌

欣同萊舞祝大慶吳廷杰

笙歌一曲奏霓裳鄭履安

大邑侯陳太宗師去思碑

侯諱良翼字孔十號卦峯一號思齋湖北蕪州人

乾隆癸未科進士

維茲辰世禮教之鄉我侯戾止蹟邁龔黃愛民重士
通工惠商緩刑尚德折獄惟良政平訟理和氣致祥
雨暘時若比歲豐穰既富方穀繼煥宮墻再極刻楮
藻茂芹香偕偕士子濟濟冠裳羣興於學莫不嚮方
我侯之德山高水長廉能奏績擢任名疆無任借旌
祇切依棠摘詞勒石以誌不忘

乾隆四十三年六月吉旦

福安縣闔庠紳士同立石

陳良翼傳 載湖北通志人物第三卷

陳良翼字孔十蘄州人乾隆癸未進士除福安縣知縣調繁福清督撫以卓異薦會諸羅漳泉人械鬪大吏稔良翼才且以爲能靖民也更調諸羅又二年擢陞嵩明州知州以母老告養既得請矣會有疾未及歸踰年而林爽文作亂破彰化陷諸羅殺文武官吏良翼亦就縛縣民奔救之曰奈何殺我好官得不死當是時爽文犯臺灣不克遯歸大里杙留戍諸羅賊無幾而縣民起義者日益多良翼遣人間道言於府

越明年正月良冀率義民會總兵柴大紀復諸羅遂奉檄復知縣事諸羅居臺灣南北之中於時彰化鳳山相繼陷府城實藉之藩蔽故爽文圍蓋亟而良翼之守益堅嘗兩獻策於大帥請乘虛搗大里杙賊巢而分撥一軍夾擊之又請分兩軍一出斗六門一趨他里霧遏其後而諸羅之兵過牛稠溪攻其前皆不省而援師遷延至刺臂血爲書亦不應乃深溝高壘日激勵民兵堵禦無虛日自六月被圍迄於十月火藥竭兵民食且盡乃禱於神以油粃爲糧士民皆忍

饑荷戈以俟

大兵之至而府城得恃以無患良冀力也事既平迨論餽道府節禮革職又在圍城審錄俘獲其得疲癯老弱有保證者數十人力爭於軍門釋不殺而勉從大紀原奏以已戮報迹涉扶同擬斬監候讞之日士民皆翕然同聲猶謂良冀保全無辜泣數行下也皇上察其情釋令回籍良翼歸不數月竟卒賜進士出身工陪虞衡司主事族弟詩撰又跋

予於卦峯爲族然未嘗識面也始卦峯成進士予甫
成童及予通籍官

京師而卦峯筮仕福安調繁大邑官聲嘖嘖在人口
又數年予以母老告歸授徒自給卦峰乃更調諸羅
爲海外之遊旣而推陞嵩明旋以母老告養予私幸
自是得相見已聞其以疾未歸而林爽文之事起卦
峯於是再登仕版堅守危城至蒙

天語嘉獎予時時於邸報中見之又竊意卦峰且登
膺仕將蟬連不得歸然而卦峰竟歸歸而遽死死後
且數年予乃自他所得其所爲書讀之恨終不及見
之也雖然得是編亦可以知卦峯矣
乾隆甲寅跋

陳明府守嘉義城圖序

嘉義諸羅也乾隆丙午丁未歲土逆林爽文煽亂擾諸羅城舊縣令陳公率義民復而守之賊以數萬衆環而攻者六閱月而城卒獲保

天子嘉其義因更名

國家承平百五十餘年以來

廟算如神武功烜赫間遇奸宄竊發皆鼯興暮蔑覆不旋踵而臺灣越在海外兵少不能制以故逆爽得逞其水草之性以肆毒躡彰化躡鳳山擊臺灣府城

而諸羅扼其衝向使諸羅微公則義民不守則臺灣失臺灣失而天兵之篲賊氛常不易易也公諸羅舊尹遷雲南州牧以太夫人老乞養歸未行而城適陷賊戕官吏屠軍民獨以公爲賢過其門相戒不敢入公悉賊虛實謀請鎮軍柴大紀以官軍至復諸羅大尹因檄公理縣事而賊復來攻公募義勇繕城濠內貸金粟外購間諜植密謀於倉卒之間豫軍資於殘毀之際日集諸士民宣諭朝廷威德修守戰之具至於賊鋒日熾城中食且盡公禱於神得油餠之滓爲

糧而軍卒不饑夫民生不見兵革公亦未習戎馬於行間而乃軍弱而能強之令弊而能起之民流而能親之賊驕而能挫之卒能力保全城以待大軍之救則以之經營百戰社稷萬家其可也且公之於民概可知矣當諸羅初復時鎮軍悞獲良民三十五人將寘諸法公爭之不得悉縱之事平公以吏議得重罪撫軍徐公嗣曾按其實而前所釋之三十五人者咸來就死以求釋公罪士民之號泣請代者以千計而公亦以此獲免嗚呼其何以得此於民哉語曰不遇

盤根錯節不能別利器若民之戴公極之於患難死生而相守不變如此其至也然則天子以諸羅之民為義亦民之盡義於公也公以癸未進士治諸羅者前後凡三載今來京復職行李蕭索無異平人之浹於公者公亦喜言其事並出守城之圖以示人而公亦將終歸養之志矣然而嘉義亦當以公傳賜進士出身翰林院兵科掌印給事中

年家眷弟潘紹經簪舟氏拜撰

陳大夫良翼傳

陳大夫良翼字孔十別號卦峯蘄州人父輝國子監生以學行稱有進士貴池令履中者其仲父也大夫少聰穎然凝重溫克若無所能年二十五舉乾隆庚辰鄉試閱三年成進士父艱服闋厯知福安福清二縣事甲午丁酉兩充鄉試同考官在閩十年膺特薦者再旋以海疆俸滿加銜通判乾隆四十八年閩撫以臺灣械鬪滋蔓弗安檄大夫知諸羅縣事大夫至縣察知邑中流人有號爲羅漢腳者實爲禍根乃誅

其尤黠者十餘人於是撫慰良民日就安謐後三年擢雲南嵩明州知州以母年逾八十乞歸養已解官瀕行矣而忽值逆賊林爽文之變當是時奸民萬餘人驟以天地會倡亂臺灣而彰化林爽文獨爲大盟主其始亂也或告大夫曰子無官守矣變將及可速歸大夫曰事未萌而去可也今一舉足則人心搖矣且子爲舊令亦當相與籌滅寇之策敢逃死乎迨彰化陷賊益張亟攻諸羅城破文武諸官皆被害大夫方自引決賊突至縛去將殺之過市中難民羣呼

曰此非舊令陳公耶乃吾好父母何遽至是何耀寧者藥肆賈人也直出抱大夫願以身代賊異之遂得釋頃之賊擁婦女小兒至遙立呼曰此陳官人家屬也若不殺可自領之先是諸羅聞警時大夫已預遣家屬避居鄉村及聞賊語訝其誣視之則果非是念必有故陽諾受之既而問焉則攝縣事海防同知董敬璉之二女一媳一幼孫也問其何以致謬其女掩泣對曰城破時吾父兄皆被殺聞陳君獨以羣賊相戒不傷若非冒認吾輩不生矣大夫曰嘻乃屬賈人

母獲養之董氏遂免於難大夫既不死卽圖倡議復城會鄉民來迎乃避至青埔庄農圃安官宅陰招義民得數千人且請兵於提督遂與總兵柴大紀同力破賊復諸羅城受檄代理縣事時乾隆五十二年正月也臺灣全郡之勢彰化淡水處北鳳山處南而諸羅在中尤與府治相唇齒時別賊莊大田踞鳳山而林爽文起彰化由諸羅以徧郡城及遞歸又北破淡水然終以諸羅爲要害悉其衆轉攻而南大夫獻策軍門請以重兵乘虛搗其巢又請以諸羅兵阻其前

而兩分彰化鎮兵抄其後主者遷延至六月而圍益急官兵不滿二千大夫益募義民日夜率縣丞張士榕教諭江浩巡檢吳元武舉黃奠邦等與柴大紀併力守禦大小六十餘戰糧不足則以大義勸輸上聞嘉之至十月輸者告盡兵民食地瓜牛犬肉閉赴近山握草根齧之而城中諸肆惟油榨閒有滓曰粃者數萬餅大夫將以爲糧衆難之則禱於城隍神先自食衆皆食閱數日又垂盡矣乃刺臂血寫書求援於將軍常公所弗得則益激勵士民忍饑堵禦無虛日

迨將軍福公統兵至於是諸羅圍解而臺灣郡竟全隨奉上旨改諸羅爲嘉義大夫知縣事如故次年春賊悉平總兵柴大紀以追論居官劣跡誅巡道永福以大紀故坐不揭報治罪大夫以永福故坐餽送節儀革職已而混報匪犯之獄起焉當大夫與柴大紀守城時每護賊大紀遽奏聞乃屬大夫鞠治先後二百餘名矣有許懷等三十五人者研覈訪證實爲良民大夫不忍其枉而大紀執前奏堅不肯寬大夫既力爭又恐激怒大紀以速三十五人之死也乃自糶

之而亦同以正法報及事平則三十五人多在閩撫以扶同混報法當重辟賴天子神聖念其保全多命加恩宥免閱一年大夫入都祝萬壽恩給知州原銜故今得以大夫稱未幾歸丁母憂遂有疾竟卒年五十五大夫之在臺灣也瀕死而生者三一爲逆賊之縛也而生以難民一爲圍城之瘁也而生以大兵一爲吏議之辟也而生以天恩大夫自述本末次爲三生瑣談二卷並素所撰詩文藏於家子三人信驃國子監生信騏黃州府學生其兵後歸自海外而生者

日信海王鑾曰大夫故予父執長十年相善也其初
成進士時鑾賀之曰場屋事且畢矣始將置帖括肆
力詩古文阮亭鈍翁諸公誰所安乎大夫笑曰是固
然然吾不欲以文苑顯也及宰海疆果爲循吏聲感
逆賊力保孤城所樹立者卓矣望議免官卒邀恩獎
文武憲邦之業人望歸之未竟厥用遽以疾終惜哉
乾隆丙午科副舉人

眷世姪黃岡王鑾徒州氏頓首拜撰

書三生瑣談後

乾隆庚戌卦峰在京師余爲題漁樵耕讀圖乙卯余
視學湖北得觀所著三生瑣談二卷追憶卦峯歿已
數年不禁歎息流涕卷首恭載諭旨二道卦峯之堅
守諸羅及保全無辜良民皆仰邀聖主鑒察凡爲臣
子莫不感激鼓舞又念其始訊斗六門之案與夫攻
守應援之機向使爲大吏與爲將帥者能用其言何
至老師費財生靈受禍如此哉嗚呼卦峯之死而生
天也臺灣之難人也後之覽者其亦可以爲戒矣夫

嘉慶丁巳仲春下泮

賜進士出身翰林院太常寺卿提督湖北全省學政

年眷弟施朝幹拜譔

善三生瑣談後

歲庚戌余在京師晤蘄州陳卦峯先生聞其宦閩業難而未悉其本末也今讀其所著三生瑣談暨諸名士跋後不覺浩嘆曰異哉士人學古入官常則爲龔黃變則爲巡遠類有幸而不幸而先生一生於難民再生於王師三生於聖主際大過滅頂之凶而卒賴以生何天眷之厚也抑不獨天眷之厚也天眷先生以生而臺灣諸羅之士民卽藉先生之生以生也書二卷先生手著閱十年始付剞劂誠以聖天子知人

善任保全功臣之殊恩所宜表揚而先生之保持綱
繆者尤不可磨滅來春韞山赴禮闈載書北上都中
人士誦其遺書諒莫不竒其生而哀其死者然如先
生之成就如此卓卓豈與夫當時則榮沒則已焉者
同日而語哉

嘉慶戊午嘉平下浣

通城後學吳芳標頓首拜撰

題陳卦峯先生三牛瑣談跋

是冊爲陳君卦峰守諸羅所自記也諸羅今改嘉義
者何則以臺匪林逆之變諸羅糧盡援絕卒能嬰城
固守凡六閱月以待天兵之南下臺郡賴以安全特
賜令名也當逆匪之始滋亂也攻陷諸羅如拉朽摧
枯耳君以倉卒捧檄而能相機收復艱苦備嘗邑人
士亦義切同仇相與共效死力豈非由君之見義勇
爲有以爲之倡歟議者或以不得懋功膺上賞爲憾
余謂不然士大夫平居抵掌而談經濟一旦猝遇事

變束手無策者比比也君已去任而臨艱不避表見
卓卓如是且君才過一縣令耳百姓稱爲好官自此
分內事顧乃兩次渥被溫綸嘉獎聖吏議幾權不測
猶復仰邀聖天子特達之知原情宥罪甚矣好官之
不易爲而可爲也以視碌碌因人成事倖邀賞賚者
其賢不肖相去爲何如然則是冊也可以教忠並可
以爲嚮義之勸後之覽者當不河漢斯言至君仕閩
之本末與夫守戰之紀畧他傳詮次甚詳茲不具述
賜進士出身天門縣知縣署蘄州事後學楊明善

頓首拜撰

諸羅縣陳府封降先生小跋小跋載在野草堂筆記

公抵任愛下若子弟然民亦愛上如父母矣當諸羅被圍三月城中食盡牛皮馬革都充饑糧得數斛米則煮粥徧給餓者然後自領一城感泣及大兵渡臺解圍窮治叛黨公以便宜救出無辜良民三十五人幾罹不測此三十五人之家其父母族長自縛以來號泣軍門請盡殺其子弟以救公中丞徐公爲稟摺奏聞蒙恩擢州司馬以母老告歸楚北其地經結鄉老率子弟數百人詣臺灣鎮道府環請奏留陳公治

諸羅今改嘉義言公愛民民不忍舍也李吳君文溥澹川贈有詩句云已饑已溺蒼黎命今世今生父母恩又云三十五人同面縛爲公求死不求生又云直待鄭人思子產始知秦法誤商鞅

陳卦峯同年保臺論

余讀三生瑣談而爲之論也曰此役也吾卦峯同年陳君之功幾出張睢陽上其曰三生者卦峯三濱於死而究得生天之生卦峯者所以保臺灣也臺地雖隔海漳泉諸郡之民咸往居之如古青州之隅夷賜谷今江南之崇明沙廣東之瓊州雖越海實爲內地故諸羅以捍蔽臺灣臺灣以捍蔽閩浙粵東諸海疆爲東南大保障無諸羅則臺灣不守失臺灣則海疆諸郡不能安釁起於械鬪禍兆於天地會隙開於巖

煙楊文麟勢大於林爽文卦峯已陞去不肯見事變而委卸因復諸羅而守之臺得不失師至賊就擒內郡以安東南之保障復固其功大矣而日出睢陽上何也昔張巡以雍邱令與許遠共守睢陽睢陽不能守韓文公論之以爲遮蔽江淮阻遏其勢終歸以功况卦峯之能守乎其請救不至血書不省則其時之爲賀蘭進明者舉相望也食絕糧盡至於刮地煎礮掘草根煮油飢何異於羅雀掘鼠之危急也猶且旦夕出戰意氣不衰豈非天人成大功哉故曰功出睢

陽上也且後人事有突過前人者常時不之覺也後
來宜知之當不以吾言爲不然嗟呼臺灣之禍始於
風俗之頹敗政令之廢弛營弁之包庇幕胥之猖獗
相習成風牢不可破使唐令早從卦峰查辦之言毋
使滋蔓則禍可以不作禍之既作諸大吏若聽其乘
虛直搗大里尅期會勦大埔林之謀首惡亦易於就
擒而巽輒不前不顧生靈之塗炭卦峯自分必死又
以大兵之救而生吏議復欲死之天恩總爲生之感
憤積於胸中著爲此書瓊屑而談以作官臺者之龜

鑑也其書質而不俚年月日時紀載之分明地里姓
名詳書之具悉其中言曾於鹽水港記湧出大砲二
十移巡廳衙門或千斤或三千斤洗出之大得其用
是知善爲政者平日無處不留心也昨者南籠之變
亦然賊正急時無砲以禦金君某守城謂曾見總兵
署庫有大砲五座總兵不知也查之果得移以禦賊
賊退而城全武官專司其事有遺砲而不知文官知
之天下事大抵皆如此也至於用砲之法鉛子如碗
山崩地裂賊成齋粉女裸以壓牲血塗而發之他如

進步連環長鎗長刀皆械鬪之用瓊絃不遺俾知所考也於時漳州有秦光屏者工械鬪其徒甚眾與林爽文不相能林逆最憚之大兵至有言光屏者卽招請閱軍裝見盔甲與器仗曰此官兵打仗耳非械鬪所用也另爲造之隨過海林逆聞光屏以眾至卽披靡於是光屏得武官卦峯竟陷於重比自來軍營之功過原不足憑言之能無慨然卦峯於吾爲鄉榜大同年辛巳之春相遇於山東道上因同行時張丈念祖梁君景陽張君宗震及其洲一路懽集以至於京

後來予累至其家拜其尊老友其兄及弟所居任堂天畷祖墓爲雪菴和尚所卜世爲富族好行善事以至於今馬朝柱謀逆發覺由於陳氏所保全者至衆終不言功今卦峯之守諸羅平逆匪沿海諸郡數十俱受其福功德至大子孫之受福更無窮憶臺匪熾時孫補山爲粵督急往駐潮以控制則其搖動內地之勢亦岌岌矣得補山往駐而靖予曾爲頌以寄之吾輩豈盡粥粥無能爲由得地與不得地耳補山得地矣且勇往矣聞之壹似有所牽制不能盡其心意

所爲卒鬱鬱以行陣終陳勤齋晚乃發摠旋師徂逝
徐雨松亦然官望雖顯而以速遭至於道殞言之令
人酸楚豈盡得地哉予與卦峯別來久先後俱出予
至以竄人羈於滇聞其來牧嵩明庶得合并而卒不
某今春自滇回夏抵鄂渚遇其四弟韞山出此著以
相示閱其後海內諸鉅公之所爲詩篇序傳無不備
故爲立論以著其功其書指叙無不盡然其中亦多
意不盡言之隱是在讀者善會焉特以卦峯容貌動
作粹然儒生一值事變劫之以眾臨之以兵見死不

更其守雖危起居竟伸其志不忘百姓之憂百姓載
其仁賊人懾其勇此固儒行也何足訝卽予以爲功
出睢陽上亦奚足訝也杜陵許身稷契人或笑之使
得柄用安知不建稷契之事功夫稷契尙可謂則出
睢陽上亦不以爲驚吾輩諸人補山勤齋畧見之矣
吾雖不得所爲而此似卦峯之所爲亦聊以共喜信
吾學之不虛云

嘉慶四年季秋月上澣

年愚弟檀萃頓首拜撰

福建臺灣府嘉義縣士民公呈保狀

具呈人嘉義縣閩邑紳耆士庶張明等爲合詞揭賻
仰懇奏聞事竊見原任嘉義縣推陞雲南嵩明州仍
借補嘉義縣知縣陳良翼者秉性善良居官廉謹士
民忻其樂易奸宄憚其嚴明惠績卓敷輿情允協方
以推陞解任抱病郊居不虞彰匪陷城戕官劫吏撫
綏無主共謀迎此使君各義動人卽日推爲盟首糾
合鄉勇克復縣城弭鎮帥嗜殺之鋒避三黎再蘇之
喘適驚遂引人慶再生無何大憲賜張羣克蠲集築

長圍而人困列巨礮以環攻兵盡矢亡援師不繼糧
空廩匱輸粟無聞陳令則撤屋爲薪毀垣煮藥禦臨
衝之附堞宵旦靡安糜糠糲以充饑妻孥俱憊迫殺
馬爲糧之既盡將脫巾以謀之堪虞刺血求援叩頭
請貸沿門號慟爲全數萬生靈冒雨踉蹌不惜一身
性命哀聲徹衢巷苦口感頑愆給斗分升頃刻而牽
車踵至傾囊倒篋咄嗟而負鋸齒來緣以濟師若決
背城之戰即當枵腹猶揮回日之戈當時見者傷心
至今言之泣下迨夫賊圍瓦解勁旋雲屯羽檄從櫟

郵傳不稽於晷刻軍需旁午轉輸交足於公私聖天
子憫其勤劬大將軍嘉其勞勩鄉老多邀頂戴義首
盡賞職銜而陳令獨以道員叅款之株總鎮奏章之
誤因人受累議罪褫官此明等禱祝以冀回天日夜
而斷昭雪者也茲逢聖王觀過知仁特沛溫綸原情
宥罪傾城慶溢逃聽歡騰仰見憲鑒精明皇恩浩蕩
式昭乎無黨無偏之量大愜乎匹夫匹婦之心者矣
惟是明等與陳令旣甘苦之與同豈菀枯之不共造
我室家之感永矢弗諼錫以鞶帶之恩秉彝同好用

是僉名議贖遵例代捐具呈叩懇師相大人俯順輿
 據情轉奏俾邀恩命轉復州銜則皇仁借雨露同敷
 憲德與璣衡並運不特陳令榮枯再造即明等亦感
 戴二天矣爲此列名上叩切呈

送

卦峯年長十兄之任福安

工部營膳
司主事

費南英

道峯

故人相別酒同傾此去飛騰政有聲琴鶴自隨無限
 韻江山重覲若爲情錦袍歸後蒼闈煖綵筆分來玉
 樹榮一路流連風景地懸知竹馬已爭迎

其二

斬黃山翠擁雲煙幾百千家號望天一見定交緣玉
 筍頻年投分似虛舫羨君磊落才方壯愧我浮沉老

漸煎唯聽文翁開雅化仙霞嶺外好音傳

諸羅行

梅邑歲貢生 喻文鏊 石農

為諸羅令陳良翼作也乾隆丙午臺灣林爽文滋事
前諸羅令陳良翼已陞嵩明牧緣病留至是被執忽
一人振臂大呼曰莫殺好官眾圍救得不死尋率義
民數千隨官兵收復諸羅權縣事殫力守禦凡六閱
月圍解至於諸羅民之義効同仇嚮臻雲集事
聞改縣名嘉義則

國史紀載綦詳良翼字孔十號卦峯蘄州人乾隆癸

朱進士

莫殺奸官勦賊易得好官難諸羅城大如斗城已復
城可守倡義者誰嚮官爲首受官約束同官難家家
爲官送水飯昨日天上下將軍貔貅飛渡鹿耳門官
兵義民齊截殺盪掃狂獬祛海氛九重褒語蓬萊殿
在者未有來者勸諸羅縣義民縣

題賞番圖

福建鳳山
縣知縣 湯大奎 癡堂

霓裳同咏仕同方捧袂東陲又幾霜伯玉文章唐領
袖孟公才畧漢賢良官來絕徼真盤錯化盡諸蠻只
頌揚共仰神明綵欲繡漫勞阿堵貌長康
到處棠陰卧轍留曰歸容易放扁舟

君恩許遂循陔樂臣分仍懷去國憂滇海新除廻叱
馭楚江別業待扶鳩莫嗟公紀歸裝薄猶有詩輕商
戶侯

題賞番圖

步瀛同存韻

鴻臚寺戴少卿

璐 蕝塘

簞醪徧惠化蠻方
襁負爭先履肅霜
錫賚已教番社格
拊循人頽穎川良
無襦羣感來何暮
有截方知波不揚
預識成城孚眾志
鯨鯢封後旋平康

感動人琴卷尙留

是圖乞緯堂同年題句旋值鳳山城破緯堂玃節疑圖已散失不期於郡城得之

珍同球璧附歸舟
生還倖遂循陔志
事定猶殷曲突憂
小築茅亭招唳鶴
偶尋桑蔭聽鳴鳩
遙聞海外謳思切
長想襜幘望細侯

題賞番圖

山西吉州知州 馮丹香 小山

天生蒸民芸芸百族
下民雖愚道貴教育
蠢茲異類海濱山谷
披髮文身如獲如裕
驅牲而食蒙露而宿
十姓百姓驚不可服
猗嗟我友東洋良牧
易直子諒受天百祿
方春時和惠飴桃粥
供帳風清雍雍穆穆
襁負而走溪河波蹴
播之風詩其曰可讀

題賞番圖

順天府府尹 吳省欽 白華

版字廓

盛朝廣輪邁前藉極天關塞長東南茲隩宅物產歸
駢羅地險鬱盤積琉球暨荷蘭望洋近可卽海內駕
餘皇朝貢日絡繹維古昆舍耶形勢聯肘腋往昔草
雞鳴困獸鬪偏劇憑依鹿耳臺沙綫候潮汐王師掃
迅霆逋寇竟褫魄涵煦逾百年獠狂俗變易男畊女
織紡比戶日歡適良民欣物阜商販奏帆帕時或蝨
其間往往構戎隙聖主重司牧郡邑慎遴擇之子開
濟才牽絲遠于役庶幾卓魯儔大展耕桑績此境連
諸番託處戀遐僻芸芸山澤間生熟相關格威之在

王章拊之在人迹或用犒羊酒或用給錢帛
舞時具足踈學畫循良盡如君其誰忍效逆是真慈
惠師輦比黃牛革君歸今幾年臺社經棋奕雖善去
瘡痍尙待登衽席聖主愛民依事勞軫恤安能薦
起君重爲撫黎赤

題守城圖

保障資羣牧彈丸海一涯潢池兵忽弄巖邑木難支
遺愛流遐裔孤忠動健兒丹心櫻虎口赤手豎牙旗
管攝符交下艱羊力自持饑腸搜鼠雀倦骨倚屏帷

信義雖常在存亡未敢知帛書濡血藉介士載星馳
遂使瀕危日真逢急救時雄師教迭進小醜笑空爲
漠漠煙塵掃濃濃雨露滋家完城亦保名著節常垂
妙筆分明寫閒窗慷慨披英姿真颯爽懋績想敷施
巡遠輪君遇翼黃頌爾慈泰平邊郡靖好藉撫綏宜

題守城圖

鴻臚寺 戴 璐 康塘 少卿

武蠻山畔妖氛惡蟻聚蜂屯城下薄官吏胥戕獨釋
君旅館寒檠尙綽綽大府嘉之能得民捧檄重臨七

里郭狐鳴噪起復攻城萬松溪外恣剽掠椎牛誓眾
招流亡義民番社爭踴躍琴鶴拋來也荷戈六月烽
煙爭擊柝開濠貸粟計將窮目擊殄瘁轉溝壑瀝血
淋漓書萬言夜緹聞道防賊覺城存與存亡與亡籲
衆矢言僉曰諾以糗爲糧古未聞分甘亦復同醜醜
守陣皆哭感神天旌旆飛揚臨衛霍電掃星馳城復
完時雨滂沱歡聲作兩度瀕危寸瓦全歸與計決攜
芒屨蜚語無端又及君聖主如天鑒臣恪感激臣歸
愛日長餘生已遂循陔樂春明重入畫圖懸指點前

塵動心魄尚憶軍行整
鷺須知信義行蠻貉新詞
海外崑仲巴君亦何慙侍襄鄂

題漁樵耕讀圖

太常寺 施朝幹 鐵如
少卿

江關最好楚天秋一幅歸田感倦遊
正是登山臨水日樓船下瀨總封侯
拔劍曾歌行路難海天吹角望
長安從今莫話孤城事只作漁樵一側看

題漁樵耕讀圖

鴻臚寺 戴 璐 康塘
少卿

海外驚颿定歸來
憩故廬省親甘菽水求友狎樵漁

課子貽經訓焚香誦道書
此中真樂滿端不慕綺羅
禽憶登陣日何期縱棹歸
雞豚尋舊社蓑笠伴初衣
青鬢顏猶昔黃墟侶漸稀
相逢知雅抱願息漢陰機
題漁樵耕讀圖

翰林院 李鈞簡 小松
編修

南國有儒生軍旅非素習
迨超萬里帆驅役幸雨邑
一解 擾擾俗化訛閩中安
可處甘心赴國憂將秉先
登羽二解 孤績誰復論慷慨亦焉訴
職事相填委元髮已改素三解
生幸休明世且還讀我書上堂拜家

慶長揖歸田廬四解 垂竿深澗底採菊東籬下樵隱
俱在山晤言用自寫五解

題漁樵耕讀圖

內閣 中書 葉繼雯 雲素

在山泉水出山同驚識蘄陽矍鑠翁蓼岸花稀春夢
短青蓑翠笠半江風樵蘇時上翠微巔頗憶孤城戎
備年且晚鄭公風便否澎湖十道下樓船一川紅雨
煙微雉隴春深叱犢歸不借昌黎重贈序太行盤
谷是耶非三逕歸來已二毛帶經時復讀蘭皋書生

識字知忠孝漫道兵機備六韜

題陳卦峯歸隱圖示其哲嗣弁山

安襄鄭荆 兵備道 胡齊嵩 學山

閩海風清水不波守城舊事記諸羅名山自有千秋
業贏得佳兒問六科 蕪春園載讀棠陰會儼宜和
處士林三十六灣秋水碧詩情好共白崖深

寄贈同年陳卦峯詩並序

宗海 祝德 世珩

君宰於閩調臺 諸羅令 諸羅者 今賜名 嘉事者

慶長掛歸田廬四解 垂竿深澗底採菊東籬下樵隱
俱在山晤言用自寫五解

題漁樵耕讀圖

內閣 中書 葉繼雯 雲素

在山泉水出山同驚識蘄陽嬰鏢翁蓼岸花稀春夢
短青蕞翠笠半江風樵蘇時上翠微巔頗憶孤城戒
備年旦晚鄭公風便否澎湖十道下樓船一壘紅雨
一 煙微雉隴春深叱犢歸不借昌黎重贈序太行盤
脊是耶非三逕歸來已二毛帶經時復讀蘭皋書生

知忠孝漫道兵機備六韜

歸隱詩卷歸隱圖示其哲嗣弁山

安襄郎荆 兵備道 胡齊嵩 學山

關海風清水不波守城舊事記諸羅名山自有千秋
畫裏得佳兒問六科 蕪春四載黜榮陰命憶宣和
虞士林三十六灣秋水碧詩情好共白崖深

寄贈同年陳卦峯詩並序

寧湖道 祝德麟 並序 監察御史

君宰於閩調臺灣諸羅令諸羅者即今賜名嘉新者

也乾隆丙午冬賊首和爽文攻城署寨所向披靡時君已擢州牧請養未離任聞事甚慨然曰禦賊善責也安所逃命呼士卒登陣城已陷賊刼君去執視之曰良吏也勿害得聞亡歸義民從者數千次年春克復諸羅賊又來攻且圍君嬰城固守垂半年糧盡援且不至守益堅未幾大兵平賊惟諸羅賊獨完議者方謂君當得懋賞君亦不以爲意正候代歸忽被劾初總兵柴大紀搜邨落獲亡命概以爲賊黨付縣吏駢誅君一一體察得疲癯老弱有佐證者數十人白

於柴以爲實非從賊柴勿聽申救再三終不許不得已以已戮報而陰縱之事覺以縱賊論法當死天子察其冤嘉其正特宥之罪止奪職嗚呼君之瀕於死者屢矣被賊刼當死守危城糧絕當死縱囚當死不死於兵則死於法當死者三而竟不死其果良吏之報歟抑天之所以相之者別有在也庚戌八月予將南返君以祝釐適都臨發前一日遇余談兵間事且示以守城賞番及漁樵耕讀三圖行李匆迫卒卒未能趨句舟中無事補作一篇貽之俾覽者有所考焉

國家聲教無不被海內不知兵革事機槍忽落原門
東草澤一夫敢振臂是時君已謝諸羅一旨在官民
命寄疆場有事定折衝矢石親當安所避力窮被劫
入賊營罵賊賊翻羅拜誓孫恩作賊亦分明不殺清
官殺墨吏須臾死脫身歸一鼓更作殘羸氣噓成
晷市當樓櫓叱起蟲沙教擊刺濠塹居然夾寨堅糧
糧誰復睢陽繼折骸而爨烹肉腥繚草為人分箭利
已甘分心為國殤城亡不生存亦斃忽報天兵渡鹿
門剪除梟羽收狂獠鄰封殘破靡孑遺獨有諸羅城

尙閉將軍表奏守土功詔易縣名曰嘉義千斤賞固
非所貪萬戶侯亦何敢冀但期將母得歸田豈料爰
書望吏議火炎崑岡玉石焚亦云脅從則罔治武夫
麤譴挾威權不許莠良別真偽人命在我掌握間肯
以殺人上官媚第令一身贖百夫便干憲典心何恙
帝堯刑法曰宥三大舜聰明乃達四故友相逢慶再
生感恩惟下涕七淚余曾蕊榜獲聯名旋向棘闈同
校藝

余丁酉典闈試
君充分校

不謂君兼文武材又復出入生死

地鄭鄉已見拜黃巾于門行當納文駟勸君歸去漢
江濱耕讀漁樵惟所志

讀陳卦峯先生三生瑣談有感 崇陽縣訓導 石元吉 蓉城

岌岌孤城整一絲扶維百戰定傾危只今燕然銘石
日可記將軍死鬪時 奸官當日是罪官却是閒官
不肯問黑水黃塵含碧血每依殘堞望天顏 乞師
斷指血淋漓南入將軍事最奇刺背今看書再上須
知黨有男兒練如白馬草如袍鼓似驚雷雪似刀小

胆書生披軟甲齊飛萬弩射金鰲 鼠窟掘殘熱淚
流空腸無計賦同仇奸官一哭瘡痍起不斬封狼誓
不休 英雄何事淚沾襟虎口纔離吏議侵執事曰
誅君曰宥青天白日照臣心 潮州來去是儋州海
外驚傳姓字留為問韓休當日事可曾草檄覓封侯
新詩卷後百篇雄底事鋪陳字字工獨有石農生趣
別規模下矚李崆峒

題歸隱圖

崇陽縣訓導 石元吉 蓉城

陝西通志 卷之六 修家乘 行風

三尺爛柯五月裘蕭蕭箬笠自春秋古人可作吾誰
與未出隆中舊武侯 兔園冊子真兒童牛背生涯
一老翁別有神機人不識竒兵十萬在胸中

題賞番圖竹枝詞

兵科掌印
中給事 潘紹經 署舟

臺灣白露海風寒黑水紅溝道路難三更燈火澎湖
島萬里平洋這地寬 鹿耳門連鐵線砂七鯤身帶
鳳城斜學龍三世營三窟今日葡萄溝踏花 草蓺
射鹿嘯生番露刃磨牙捷似猿不比熟番情性好也

來交市望潮門 板屋鱗鱗四尺高金釵銀釧女兒
嬌花帽紅衫來共浴蓬頭赤腳去乘潮 綵囊番婦
抱兒來分得銅釵笑口開此是官家年賞例大家相
近莫驚猜 海礮大舶紅毛鬼沙酒洋錢販市多白
面綠睛三兩隊搖頭叉手喚都囉 生番領賞笑掀
眉裸體纏腰背負麋換得官家好幢布不通言語問
聲疑 泉石淙淙風雨鳴漱石衝泥浚水城堪怪下
流如許濁出山泉水本來清

三山先生傳

兄諱良翼字孔十卦峯其號也一號思齋幼聰穎讀

書善識字十二歲學爲文便明潔孝友性成口不妄

談外事人故以長厚目之原名琴乙亥夏州試余兄

弟名俱雙字兄取名羽州大夫虞山錢公諱鑿號樵亭
陞黃州知府

歷官四
川布政謂與關帝諱同下添異字時黃岡周展野先

生諱茂建丙
辰舉人在州署閱兄文許爲十年內進士是年

入泮前嫂林于歸戊寅臘廿九夜大兄諱良喆字
紫備廩生夢

房以題名錄送閱中間見陳良二字甚叫曉名曰糲

糊解元則梁景陽也庚辰榜發兄中式第二十二名

舉人梁果第一天下事之由前定類如斯辛巳夏五

信驄生癸未會試第七十一名殿試第三甲第二十

八名進士座師王白齋諱際華乙丑探
花禮部侍郎一見謂之曰滿

面皆善氣也而展野之言乃驗次年祖考謝世乙酉

六月朔信驄生戊子冬十月初六日父歿兄後值
日必齋辛

卯服闋謁選入都癸巳籤掣得浙江嚴州府分水縣

缺改調福建福甯府福安縣安故多崇山峻嶺亦瀕

海兄到任二兄諱良朋字四來廩生佐之先將向來上件四十

餘速訊詳銷他皆以次就理期年之後訟案稀少獄

中惟從西洋教郭惠犯人一名不然囹圄可報虛空

矣旦立學宮修書院每月聚諸生陳從潮江浩李蔡

陳坊為詩文之會成就甚多後江浩考授拔貢從潮中解元蔡坊皆列乙科甲午

秋林嫂之任乙未春余往省兄聞閩中翕然稱之曰

福安官不要錢在任六年刑清冊簡幾無案牘之勞

甲午丁酉為福建同考官所取多知名士覃恩勅

贈父文林郎母封太孺人本身妻室如例戊戌冬嫂

林歸時兄為上游所器重調繁福州府福清縣清係

海疆要缺命盜案如山極難治與浙江德清等令此

者不及三年俱被謫去兄為之鉏奸猾申冤抑年幾

時熱地方安謐惟代前令杜錫齡署令楊有現賄累

甚苦耳己亥午月三嫂林卒於家繼娶孫氏庚子為

福建武備閣卷百五十五引見奉旨回任候陞

卽在京請俸省親歸甫一月復去其年海疆俸滿加

通判銜癸卯臺灣以械鬪案未清府道力請調且請
 羅二兒偕往因慮民俗之刁去其尤兇黠者以安良
 善民情斂戢甲辰六月二兒疾終於署乙巳覃恩
 贈父承德郎母封太安人而以本身妻室封典勉贈
 嗣祖父母惟本生祖父母則捐建祠宇并捐置蕭家
 畝田稞七十餘石永為祀產貽封尙有待焉五月初
 二日二兒柩歸是年推陞雲南嵩明州知州兄念母
 情殷呈請終養允之然兄雖卸篆因病尙未內渡丙
 午夏諸邑職貢監楊光勳楊媽世兄弟不睦一阻天

地會黨一立雷公會名色隨合為一集眾肆橫
 閉於斗六門環攻營盤幸官兵罕獲究治上司諭
 督辦此案兄以賊夥甚多常研鞠窮治乃承審官謂
 事起楊氏一家改天地字為漆弟遷就藏事而逸犯
 仍多竄入彰化大里杙諸處引類標名如殿頭香沿山
 劫奪冬十一月官兵往捕而羣匪推林爽文為首殺
 官吏屠城邑文武官被害者如紅府孫景燧紅府俞廷樞
 長庚劉亨芬副將赫和知縣擊
 不下數十人十二月初一日諸羅城閉兄

耿世文都司
王宗武等

門生江浩時爲教諭謂我等義不可去而家屬可無死請三嫂孫同伊母往避開園林莊楊諸生家故無恙初五日賊抵城初六日辰刻以火攻北門失守賊率衆入劫殺攝令董啟璣父子署令唐鑑兄弟遊擊李中揚守備郝輝龍等以及官親募友長隨不可勝數兄時居公館聞變方自盡而賊突來被執縛赴殺場已近北門而街民喊救之聲震地有何擢鄰者藥室子也後充義民首授千總銜挺身抱兄願以身代卽林亦文亦

有不殺好官之語釋之兄到耀鄰家故得不死次早賊衆忽來云獲兄家眷不肯殺送還兄驚視訊係董令二女一媳一孫留養之故董氏猶有存者并密具

棺收殮被害各官遺骸署令唐鑑攝令董啟璣挺身典史鍾鐘縣丞周大綸遊擊李中揚守備郝輝龍

把總楊瑞聯等

初十日有莊民何祖立等入城迎兄往鄉街民留之兄思出城爲倡義復城之舉二更後有何怡者

後幾誤列賊黨兄保釋之

囑兄更服出城時爲賊守北門者陳玉亦護送里許而返又有何祿掖兄前行其族人以馬來

迎雞鳴時乃得至青埔何妥官家隨迎董氏家屬至
伊莊先伊祖母在府城未遇
雞癸年二月中旬送歸時淡水被林逆分黨攻破鳳

山賊莊大田等亦同時肆毒見同年湯大奎爲縣令
自縊死兄居何宅月餘暗招義民得探林賊消息丁
未正月初八日具稟密遣程秀才更裝於海道送府
時教諭江浩亦招集鄉勇約兄於十三日起兵兄覆
以勢不敵恐一蹶不可復振俟官兵到方可十八日
得信知道府見兄稟甚喜催黃海澄公仕簡遣總兵

大紀帶兵前來兄卽率義民隨官兵於廿二日破

賊克復諸羅上司遂札兄代理縣事其衣冠則同知

楊廷理

後陞
知府

所寄來者也

廿五日孫
媳回署

顧縣雖收復而斗

六門一帶羣賊出沒靡常攻莊焚搶漸近縣城早請

大兵來援不至新柴兵不滿二千兄益募義勇日夜

守城自二月以後賊屢率眾來攻兄領義民壯番同

官兵極力堵禦至四月賊勢愈熾兄請柴鏡委員到

鹽水港兩次搬運往年所得自海邊沙港中大砲十

門向在十門到縣星夜燒洗陶鑄鉛子連日用以轟擊
斃賊無算骨肉相粹止贖一面似戲中鬼臉殺賊匪
膽落遂於長月二十三日敗後退奔斗六門林逆已
歸彰化此時若得大兵會勦無難殲滅而彰兵已到
塗庫離大埔林十餘里忽又撤回賊復糾聚諸境用僞軍餌陳
梅計以諸羅爲南北要衝得諸羅則郡城不足平而
笨港鹽水港又爲諸邑通餉道達文書要害之地得
二港乃可進逼縣城遂於五月內焚掠笨港六月初

旬攻益水港二港邊絕四路梗塞諸城勢孤足惟率
義民熟番與官兵固守賊來則與之力戰賊退則不
敢窮追乘隙督工於四門營盤外掘挖深溝寬深各
一丈卽以所穿之土堆積爲壘而引水灌溝俟賊近
溝先以鎗砲打退兵民乃出溝攻殺賊亦不得踰溝
又以火藥缺乏煮鍊硝磺以舊土煑之糧餉空虛勸民捐助
上諭嘉之着以知州銜署縣事厥後富戶告匱乃食
花生地瓜並犬牛亦俱殺盡兵民僅於夜間潛赴近

山掘取蕉根嫩草充饑兒見兵民餓斃乃禱於城隍
 神請以糶爲糧先自食之以故文武官吏暨軍民人
 等亦俱食糶而賊仍肆寇橫不時攻城兄率義民與
 官兵忍饑禦敵雖疊次刺血書求救而救兵卒不至
 兄自揣無生理誓與城爲存亡即身家都不顧民亦
 無變志至十一月初八九十三日大將軍福公康安
 號理先鋒海侯蘭察帶領巴圖魯侍衛官兵屯練勦
 匪救諸眾賊敗走其圍乃解兄得不死隨搗大里杙賊
 巢林連丁內山

戊申正月初四日午擒林爽文解京凌遲處死大兵南
 下二月初五日又於崇鎮擒賊首莊大田處死臺灣平 而兄所

集義民堅守危城六閱月以待大兵誠可嘉賞諸羅
 之得改爲嘉義以此先是收復羅後賊數攻城大小
 六十餘戰柴大紀亦屢居中督調及因從前在官劣
 蹟敗露解京正法永道臺福坐未先詳參擬如律兄
 以餽送道臺節規被參革職兄雖卸事殊不介意又
 柴大紀曾於營前奏獲許懷等三十五名已經正法
 戮屍迨發兄訊鞠實係良民殺之則不忍且恐失人

心請釋則柴又不許而柴乃勒兄出詳亦與之同始聽其釋放兄不得已從之事平搜捕賊屬而許懷等除已死外現有廿餘人尙在與原詳不符大吏赴縣研審而伊等親自投到其中並有年八十餘與年十四五者且番婦一名顯難從賊闖縣出保結者數百人意思以此果兄也但兄既訊從釋典何又符同捏報部議重辟上諭以爲保全多命起見着加恩寬免兄又得不死閩中所以有三不死之論也

三兄皆有
三牛瑣語願

雖飭令回籍而軍需尙未奏銷已酉上憲以臺灣地隔重洋提歸省城核辦兄方離嘉義時邑中男婦老穉不忍別迭出境外哭聲載道並有送過海來者兄既內渡

四月十六日自鹿耳門至廿一日抵廈門岸數日之間風平浪靜全不見波濤之險一奇也事

因念母

親春秋高入十八請假歸省八月晦抵家母心慰甚余適中是科乙榜兄亦喜邀族戚觀劇飲酒以博二十餘日之歡誠以身經大難不圖復有今日也九月廿五日復去庚戌春二月信海生五月軍需事竣六月

閩撫給咨回籍繼嫂孫卒於閩見命子信騏扶柩旋里親自由閩晉京辦理萬壽壇邀恩賞給知州銜隨於十月十一日即母親忌日自京起程十一月十九日過黃州府城聞母親凶問星夜奔喪二十一日抵家繼嫂柩先一日歸兄悲不自勝與兄弟同宿喪次十餘日諸凡事尙未縷述偶手示三圖其一賞番則太平時寄鳳山令湯題句及鳳邑破料必不在竟於府城得之其一守城頗悟困頓景况其一則於是有歸焉之志矣而兄陡於十二月初九

時以痰疾終嗚呼兄以少年成進士出宰百里其安常處順稍有志操者猶能之惟以謹慎之性樹勳勞於海外矧蒙天語褒嘉幾死轉生既革又復保身榮親得歸故里是亦可以無愧矣第既不得視母親舍殮而死期又太迫未優游歲月與家庭親朋常相會叙以述海外數年辛苦並拜別家二十載離情爲可恨耳然兄雖未享高壽而名堪垂久以視碌碌無奇年登耄耋而仍與草木同腐者相去奚啻天淵也是爲傳

弟良珪謹撰